





屯留縣志目次

第一卷

星野 晷度附

祥異

沿革

疆域

山川

封建

古蹟

第二卷

城池

公署

學校

書院義學附

祠廟

寺觀

驛傳

兵防

第三卷

田賦

諸營



課程

鹽法

坊里

鄉甲

風俗  
物產附

第四卷

職官

宦績

選舉  
徵辟仕進附

科貢  
例貢雜職附

第五卷

名賢

忠義孝弟循良文苑武烈附

列女

節婦烈婦貞女烈女

隱逸

流寓

遷徙附

仙釋

方伎

醫學訓科陰陽訓術附

封廕

牌坊

陵墓

濠澤園附



屯留縣志卷八

藝文

箴

父子箴

邑人 孫奇

子孝父心寬斯言誠爲確不患父不慈子賢親自樂父  
母天地心大小無厚薄大舜日藥夔瞽瞍亦允若

夫婦箴

夫以義爲良婦以順爲正和樂嘉祥來乖戾災禍應舉  
案必齊眉如賓互相敬牝雞一司晨三綱何由正

兄弟箴

兄須愛其弟弟必敬其兄勿以纖毫利傷此骨肉情周  
公賦棠棣田氏感紫荆連枝復同氣婦言甚勿聽

朋友箴

損友敬而遠益友宜相親所交在賢德豈論富與貧君  
子淡如水歲久情愈真小人口似蜜轉眼如讎人

歌

思親歌

府庠 段繼芳 生

人遇歲時歌且樂我遇歲時心如灼堂上椿萱凌霜凋  
舞衣翩翩爲誰著君不見老萊子行年七十供甘旨憶  
昔我年二十餘雙親棄置歸荒壘茫茫天地亦何寬

熒一身獨無依又不見黃香七歲能扇枕定省晨昏心  
懍懍我生老大猶癡愚曉日紅窗尙酣寢黃卷那堪頌  
蓼莪綠野徒滋愧桑椹父兮父兮甘勤勞教兒讀書衣  
藍袍衣得藍袍自翩翩語言逆意訴且號母兮母兮何  
眷戀一時不見撫摩徧少值寒暄心膽戰飲不下兮食  
不咽父母不可還父母恩如天恩愛隨流水抱恨常涓  
涓人生至此悲何益不如生前供朝夕百年此身將奈  
何年年時祀歌哀歌

弔宋烈婦歌

庠生

馮際舜

卓哉宋孀真女郎身後令人悲且傷賦性沉靜貞而良

少年結襁歸東林同心願比海山長詎知夫夢馳黃梁  
烈婦含淚辨衣裳衣裳辨兮碎其腸幼子呱呱不復顧  
奮然引刃夫柩旁哀哉烈婦豈輕生只留節義振綱常

題邑侯屠公清操歌

庠生

霍昱

頌鏡明不罰紙歌袖風不飲水價不虧賈安肆野不擾  
氓慰止禁火耗守慎紀聖荒田給牛籽課士子優有禮  
催科之中寓撫字父母如此樂君子

賦

羿射九烏賦

周鍼

伊祁氏之有天下也十日並出或謂或晦不惟差乎歷

象抑亦豸乎覆載留一陽永昭俾九日潛浪弄操弓而  
進挾矢而前曰彼赫赫綿綿如珠之連爍我下土暨我  
上蒼今當盡臣術之微妙協君德之昭宣於是和容體  
正審顧心虔張六鈞之在手期九鳥之應弦弓既無雙  
矢惟用九一發而弦上霆激再發而空中雷吼三發而  
輪震乾坤四發而輝流星斗五發六發而燦燦霞散七  
發八發而離離電走九發管中訝妖氛之忽無一曜高  
懸望邪明而何有蓋帝所惡天所嫌始騰凌而翕葩倏  
擗搥而殄殲貫忘歸而自消難彰變化落園陵而盡死  
永契沉潛瑞景將明彤弓尙毅百辟仰觀乎黃道瓢光



下燭乎清晝莫不由藝之就神之授混濁滅而平權衡  
晷運正而分刻漏然後職義和之任司掌御之圖位寅  
賓於東極宅昧谷於西隅故得萬國謳歌仰覩重輪之  
日九天寥亮長飛三足之鳥則知道潛會而發必中神  
自通而何再控竟四海而弓罷張亘萬古而誰敢當設  
使堯德不聖羿授不臧則蒼蒼茫茫終亂紀綱又安得  
廓六合定三光故曰天無二日民無二王

耕讀賦

邑人 路王道

世間惟有耕與學耕學二藝俱無錯耕者榮身得富豪  
學者如意生鱗角學問耕只恁苦渾身污穢沾泥土冬

月之時披霜雪夏間遇霧當風雨耕者答吾辛勤鋤頭  
柄上出黃金你看富豪多積蓄盡是當年勤耕人耕問  
學只恁坐田園荒蕪隨時過晝間忘食夜忘眠温習經  
史研日課學者答非容易筆頭雖小驚天地你看王侯  
宰相家盡是當年勤學藝耕可憐學可愛耕學二藝規  
以大耕也好學也好不耕不學終煩惱若是勤耕更勤  
學廕子封妻光祖考

蜘蛛賦

有序

邑人

暴子温

蠶之有絲所以利人蛛之有絲止以爲己利人者不  
顧殺身爲己者必至損物其勢然也但張羅設機巧

害生靈仁人之所惡也是以荆楚之哲人罾網而解  
印綬臨淮之小吏託蛛以諷上官誠畏之也誠畏之  
也余愧無文句俚義疏然嫉惡之心不能自己感而  
賦之其詞曰

蠢爾秋蟲實繁厥族種類不同難以盡錄長跼者得蟻  
母之稱赤斑者有絡婦之目乃人見之而有喜未必信  
若著龜物遭之而成凶何其狠如蛇蝮觀飛走之羣生  
需飲食以自育雖享用之各殊豈盡假於殺戮惟爾稱  
貪所啖惟肉羨賦性之甚巧恨用意之太毒常雄據夫  
一方誇絲綸之滿腹逞匠心以獨運弄機械而甚熟

朽柚於不御遂組織而成幅善憑空而結撰思漫天而  
構獄一縱一橫一往一復條理不亂經緯整肅行不踈  
而不密形如輪而如幅或當戶牖或依墻屋張一面以  
自贍占中央而蹲伏攫之則就死地過者爲所擒服幸  
宇宙之甚寬胡往來之多觸旣陷身於網羅無所用其  
禱祝翅屢奮而思脫聲悲酸而若哭知倒懸之莫援求  
誅絕而不速悲覆轍之相尋慟走死之如鶩竟絡繹而  
來投乃頃刻而成簇將一網之打盡填難壓之溝瀆爾  
乃以逸待勞卧而得福恣其所取順其所欲細者可狎  
囓之如泥巨者難馴捲之成束上下奔騰如履平陸能

自結而自解使旣斷而復續道所履之旣諧乃餓蹟而  
退縮念有生之多艱爲飢餓所迫蹙胥日夜而奔忙誰  
安居而食祿君不見鷹隼之攫孥類弋人之用鏃狼虎  
之追捕同楚漢之逐鹿雖奮力以局旋尙難飽其嗜欲  
若智取而術求誠此物之所獨宜乎圖霸晉文見網而  
動其譎詐賣藥王翁持杖而盡爲斥逐

詩

樂府

鮑司隸歌

列異傳云鮑宣子永永子昱三世為司隸而乘一驄

馬京師人歌之

鮑氏驄三入司隸再入公馬雖瘦行步工

題逸亭忘形圖三十六韻仿朱梅崖贊杜可權小

照體

邑人暴熿

嵐光掩映遠城市也千章交蔭幽佳址也蕭然齋居安  
汝止也暢於四支中有美也凝眸含神儼顧親聽得至

有常光不毀也豈學維摩幻奇詭也吾自吾吾顯影似  
也對照返觀念在此也留形忘形泯人已也夏日垂松  
清文几也春風掇茗漱芳齒也時而高吟夏商徵也時  
而潛思悟泰否也得意忘言言不侈也得言忘象象卽  
理也衾影澄清心如氷也跬步端詳道如砥也富貴浮  
雲藐青紫也幽人貞吉昭素履也觸境休休融渣滓也  
展卷怡怡洽神髓也解語者花何馨芷也飛鳴者鳥何  
邈邈也時哉時哉皆如是也化工之妙道在邈也持身  
以中立不倚也交友以道周不比也其人如玉佩之繫  
也其味如醇飲之旨也蘭心叶素情無已也披豁對直

化我爾也月滿雲停時景企也形耶神耶溢文綺也直  
耶似耶均樂只也鳳凰于飛歌吉士也

五言古

登屯留城

澤州相國陳廷敬

登城秋氣變淒風屢增愁路遙一望鄉但見漳水流漳  
水南自去客行北未休寒雁相背發渺渺高雲浮城荒  
悵籬落樹古驚潭湫小邑窮歷覽孤征獨夷猶立馬更  
延駐應知道阻修

題河東節婦

邑人段采

新婦宦家兒儉素惟荆布志欲期百年詎意成朝暮持



此冰雪操泉路從夫赴杜鵑血未乾精衛愁如故寸心  
化白石韶華等秋露巍巍原上塚鬱鬱連理樹時有雙  
鶴棲疑是精魂聚

題李節母

邑侯 梁迪

孤鸞啣竹實哺雛梧桐枝雛成煥苞彩八表揚光輝維  
母毓華族名士親結褵搏風遠折翮同心悵有違共穴  
志雖堅門戶要撐持上奉白頭翁下撫黃口兒兩兒初  
廢齒課讀勤中閨迨兒學業成雲路並騰飛長出爲民  
牧次亦羽爲儀辛勤數十載所就詎細微越世更華盛  
青衫盈庭闈白眉推首出明經貢京師余來尹茲土講

學相迫隨溯源欽闡德感嘆爲歎欲作詩繼彤管千載  
流音徽

弔傅烈婦殉夫

邑學  
生 楊 恂

友人傳節烈慷慨傅氏聞綠窗貧家女賦性秉幽貞與  
夫一醮日早許百年身何期風雨驟鳳鸞鏡裏分夫死  
尋自縊甘爲同穴人義烈扶天地貞名耀古今愧殺他  
家婦再醮豔紅裙表揚吾黨事幽芳詎可泯願合同心  
者歌詠勒瑣珉

題余吾驛壁

大參  
高叔嗣

微雨潤春城層雲冒空山訟庭放散吏高閣掩重關緩

帶不違息投身簿書間惟昔郎署居此時曹務闕焚香  
娛道心服藥養羸顏良遊未易再行役何時還邊城多  
客愁日夕鬢毛斑

孔廟楹柏

邑貢  
生孫清獲

廟內有喬松一株老幹扶蘇上干雲霄欲考其時茫  
然莫識今楹柏四株恐世遠人湮亦如松之無徵也  
今賦是篇雖鄙俚無似或爲考時者之所憑藉云殿  
前二株楹於康熙辛酉孟冬戟門內二株植於康熙  
甲戌仲春

清廟巖潔地聖靈會於斯豈無杞柳輩不足當階墀殿

龍夙所尚古制非徒爲先師實殷人植此理固宜但恐  
弱枝幹不耐風霜欺培護苟無失終見盛大時青霄泊  
鸞鳳厚土蟠蛟螭旣膺顧盼榮復與翦伐辭流光若飛  
翰時代易推移試看好古士追說種者誰

摩訶嶺

國朝 吳 雯

怪鬼摩訶嶺萬山之門戶日月殊晦明巖巒變風雨蛟  
龍隱窟穴虎豹雜居處客子慘心顏蠶蟬色如土光陰  
能幾時浮生果何主大患爲有身厚生乃益苦落日投  
山家柴門對花塢安得結吾廬從之學農圃

盤秀嶺

洪洞

王 軒

上黨天下脊茲峰尤卓絕古人重屏藩豈不恃  
接飛鳥巢危闕竄狡穴陰泉瀉哀響夜助風鳴咽  
蹠石相盪摩蹴空畏地裂重雲冠岑表孤靄宿巖列  
破夢上雞鳴羣星向空沒玉衡漸下柄欲挽傷  
鎡缺左海生初陽孤光易明滅沈沈魯甸隱長  
夜念當徹萬里交雙眸徘徊忍清月天明下塵  
土表裏殊涼暍

雜作七首

邑人 馮錫晉

鳳凰巢梧枝飲啄隨其樂燕雀處華堂忽然遭束縛  
至不盈昔湓世禍旋作堪嗟斯世人縱欲如谿壑  
予取復予求財源工疏鑿快意猶未幾盜已伺其囊  
得失有

命定此理豈能錯所以終日閒甘自安淡泊長嘯舒襟  
懷茅廬覺寒綽

蜀郡有文錦花樣日翻新不惜重金置裁爲衣稱身藏  
笥弗輕御什襲宛如珍一朝顏色故委諸灰與塵愛憎  
類如此誰復念故人

谷自粵東來贈我玻璃鏡鑒貌辨妍媸一如人秉正愛  
之懸中庭神清冰壺映醜婦見而惡怒碎施暴橫光明  
世所憎拂拭胡太淨庶幾塵垢可以保真性

已哉豈無效不如參朮良醫人貪急功得過亦相當積  
病難驟除調劑貴有方藥餌一失平元氣鮮不傷云何

稱國手此義竟若忘癰決身幾斃疥癬成膏肓

農家奚所蓄一一數雞犬犬能防盜賊雞能食蠹蜒  
餽飼無失時孳息益蕃衍飛鳶瞥見之側下勢若飛弓弩  
未及彈掠子去不轉羣雛常被攫此患良非淺養鷹則  
養兵欲將醜類殄詎知餓眼耽搏雞飽餘嚙詰朝鳶負  
來犬伺人意遣突前齧其羽跼跼猝難免狗功宜急酬  
鷲性果非善我欲奪鷹食用供犬牢膳雞犬自一家鼠  
嚇何由展

十八蓮花岡遶城青岑岡下結茅屋修竹亦何深中

有操縵者靜坐理素琴初彈風松曲再談山水音弄罷



瓶自嘆誰識絲桐心世俗好箏笛古調不宜今

幽居然不樂仗劍登高臺臺下何所有極目但蒿萊千  
金亦微物賢士遠方來而我至其上燕昭安在哉感此  
長太息欲去尙徘徊似聞巖阿際有人歌莫哀我亟往  
從之一叟笑顏開長跪請姓名相期穀城隈語罷倏已  
渺雲深鎖石苔

古意三首贈申果亭

前人

勸君莫彈碁碁局心不平勸君莫習射射圃易起爭獨  
有泉石客能淡利與名竭來溪口過鷗鷺不知驚  
市儈重錢刀此輩端可鄙豪俠尙意氣報友不惜死何



似君子交相處淡如水寡過而未能吾欽伯玉使  
膏以明自煎衣以華先做良賈貴善藏盛名憂難繼今  
是而昨非守拙惟吾計願君記此言勝如誦千偈

七言古

開元鐘

陳廷敬

蒼茫陵谷開元寺古鐘猶帶開元字尋向桃花觀裏來  
鐘聲依舊浮空翠此鐘流傳自後唐誰與作者李昭義  
黃塵清水變須臾鬪雞小兒聊角戲昭義此時亦人傑  
屹立孤城下無地夾寨重雲烏不飛余吾殘營白晝閉  
流矢拔足容不知血暗淋漓痛臂龍驤神捷等沙蟲

銘以請牢毋失墜生子當如李亞子進通忠孝先王讚  
我怪歐陽傳五代嗣昭特書多可記當時亦有劉義叟  
飄零頗限文章躋今我來觀開元鐘與客談詠梁唐事  
更數百年歌者誰鐘聲未歇聞歎喟

表烈女梁羅王

邑學常行

羅王邑侯梁公女弟也遭藩孽之亂被賊將馬雄掠  
人舟中女恐被污語同難者曰我死不可緩爲我歸  
報父母遂罵賊投水死雍正初年奉

旨建坊旌表徵有表烈詩甚夥因漫續貂云

世人誰不愛其生至性激時軀命輕此氣浩然塞天地

地爲河嶽天列星我讀樂女表列樂讀竟掩卷爲嗚咽  
冠紳羣化繞指柔女獨飄身洪波入幾度神遊到海邊  
貞魂抱恨泣多年斷碣失滋春雨蘚孤墳深鎖夕陽煙  
旌章今列粵賢右如玉在璞從茲剖綽楔峩峩耀里門  
芳名萬古垂不朽

前題

邑學  
生 楊 恂

梁女十七端容止早締良姻逢仙李夫婦之倫垂古今  
此義原當要終始吁嗟寇至嘆流離一身飄泊將誰依  
危急場中大節完慷慨捐軀葬江水七日屍浮面如生  
玉質瑩然不受滓紅顏勁節竟如斯蒼眉男子恐難比

耿耿芳規炳日星姓名早已標青史千秋萬禩爭相傳  
梁女至今猶未死

人日仿蓮珠體長歌抒懷

邑人暴 煊

胡爲是日名人日想見羣靈重此身自顧不須輕暴棄  
南窗清影沁文茵

文茵默坐覺春和莫謂當前拂意多識得箇中真逸興  
天涯到處有行窠

行窠何必名安樂隨意棲遲便適宜已往將來都不計  
斯時可樂樂斯時

斯時可樂樂斯時花插瑤瓶酒滿卮寄語故人消息好

籐山梅蕊發新枝

癸亥夏日約陸冶亭申靄庭楊祝堂遊嶮山作

邑人

馮錫晉

我家居邇三嶮曲計程百里半僅足生小耳熟名山名  
屐齒未經悔塵躅年來愧作山主人話到勝遊每悵觸  
靄庭好友約共登冶亭祝堂雅相屬扶輪直造山之巔  
鼎峙奇峯如削玉殿宇巍巍瞻神祠力射九烏殊駭俗  
祇今功德在人心社鼓喧闐燦香燭道人款客烟雨亭  
倚欄尺五天低綠驚濤乍起搖松風對此宜侑一樽醪  
諸公能酒兼能詩遙吟俯唱佳句續題壁例多八景詩

拋碎黃鶴翻前局逸興未闌暮鐘撞一榻山房飯脫粟  
今宵夢不到黃梁起視軒窗滿紅旭

五言律

春社喜雨

邑人 霍騰

田頭方樂社好雨兆年豐麥隴將凝翠桃蹊漸發紅結  
露報本斟酒欲治顰散罷雞豚宴扶歸一醉翁

題余吾驛壁

明學 王汝孝

遊子倦行役悠悠懷故鄉明星燦夕彈飛旆凝朝霜髮  
以憂時改心緣問道長歸田欲有賦豈學阮生狂

過屯留初霽因貽李憲使及令弟春元

雲

明巡 劉涇 察

夏雨欣霑足晴雲山外歸泥深看路口水濺護行衣曬翅羣雞卧凌風獨鶴飛八泉昆季在孝友一時稀

九日登石接塔

邑人 李鍾庚

高陟臨危塔蕭蕭秋色侵淒風吹古殿冷月照空林僧去鐘聲寂寒來鶴唳深卻嗟重九日不燭石禪陰

雨後看牡丹

邑人 霍應麟

三春花事盡國色壓羣芳著雨占新俗迎風媚曉妝酒酣催羯鼓衣舞拂塵香應爲韶華惜相看獨舉觴

小春靜居

邑人 尹天儀

楓落天空靜瓶梅放小春日暄堪炙臂室矮可容身揮  
箒掃紅葉炊蘭噉玉津倦來書作枕默坐養天真

靈貺王廟

邑侯 梁 迪

封號欽靈貺祠宮遠近瞻百王同望秩五岳並尊嚴射  
日虛疑幻爲霖實共霑奉天虔祭告簫鼓溢窮簷

三嶮山

太行皆北向南面此稱雄虎落三峯合羊腸九折通鎮  
韓奧室在射日古臺空不遠人間世陰晴已不同

是日嶮山

遇雨而縣境晴霽

張留侯



子房名相後鄉井是純留在漢為湯沐依韓即首邱英  
風欽廟貌世業感松楸邑乘書流寓何人識故侯

鮑司隸

高名傳渤海行誼眾同尊家政聞提襄人情見舉旛七  
亡遭世難一死答君恩代產忠良輩天心此際存

鮑關內

新莽讐仇在從軍戈自揮已曾青犢破始向赤符歸爵  
受通侯賜家承司隸威過陵拜故主忠義古今稀

鮑太尉

漢廷論舊德誰不仰流風家世三司諫勳名再入公法

令朝貴避恩使楚囚空怪得乘驄馬人欽行步工

鮑司農

漢代南陽守聲華昭古今冠裳四代貴恩澤九年深神

父人爭頌名巨帝所欽司農徵拜日真快黎民心

調任介休留別

邑侯

胡相忠

此地風原古非關教化新我方憐土瘠民乃識官貧琴

鶴從人遠關山人夢真臨行看父老相對欲沾巾

初至宵海

邑人甯海令

孫奇

地至東南盡城孤邑屢遷行山雲作路纍石海為田蜃

炭村村白櫻林樹樹圓桃源名更美何處有神仙

其二

縹緲蛟龍宅風雷隔杳冥人家多面水島嶼若浮萍煮  
海鹽烟黑淘沙鐵氣腥停驂方問俗漁唱起前汀

署屯雜詠

已候 崔旭

小邑民應樸孤城吏不驕長官原坦率簿領亦逍遙  
僻青山隱晴多絳水消聽詩頻得意頗類武功姚

鳥語蟬聲裏空庭白日長人聽傳吏點白燕退衙香蠟  
淚汚詩卷蛛絲絡印牀未逢桃李月種樹滿河陽

記得來時路龍鍾一腐儒野人相爾汝古縣過余吾有

對戎荒聚無山印且余雖成三十里亦有九其夫

滑滑腰輿走煙雲古畫如聊辭塵沒馬敢道雨隨車老  
我離鄉後隨人作吏初此來難久任何異夢華胥

牒訴來稠疊從知俗不醇蠅營憐狡吏蝨訟笑愚民農  
務三秋近官廚一飯貧四郊憂旱日且爲禱明神

冗雜公家事循環日幾回詩書非有用巖穴豈無才酒  
爲論文設門緣課士開青衿紛橐筆多爾尙能來

早起多清氣常當僕輩先高簷喧鳥雀餘興入仙蟬有  
道身忘老無營夢易圓我思趙清獻每事告青天

饕餮憑市僧供給半軍糧用薄從今儉心清學古狂土  
風千日酒官橐一詩囊爲憶情人在并州似故鄉

三巖山煙雨亭題壁

陽城舉人延仰南

半日閒難得浮生我又然命窮錢作祟山好客如仙鼎  
足三峯峙天涯一脈連蓬瀛思便渡險點白雲邊

和延孝廉煙雨亭題壁

邑人申瑞運

山色依前好亭高勢逼天風聲喧坐令日影抱松圓地  
志三槐誤輿圖兩界連延君佳句在不愧客如仙

前題

邑人楊大椿

仙境超塵俗登臨極大觀三峯天外插萬笏座中看高  
詠詩猶在同遊醉亦歡松風聽不盡日暮倚欄杆

三峻煙雨

邑侯來臨

幽意夙懷遊五嶽明禋幾度禮三峻  
千山雨氣飄空翠萬壑煙容漲灌叢  
如藟四松藏梵刹驚雷徧社祈神宮  
願言禾茂驕陽伏想像當年射日功

前題

和韻

邑侯屠直

勝日明禋陟峻峰松風細雨滿三峻  
雲生萬壑霞光藟煙鎖千巖瑞霧叢  
閃灼金蛇騰畫壁氤氳靈氣罩神宮  
試看四野歌豐稔疑是當年善射功

前題

新會

梁在韓

矗矗看來碧太空巔如覆鼎號三峻  
山前虎落楊雄賦



可留鼎志  
卷八  
天上烏沉后羿弓林麓迷離雲霧裏峰巒濃淡畫圖中  
休徵更有神明宰煙雨應時默感通

八泉飛瀑

祥符  
李奎

萬石懸崖八竅通素花掩映撲高峰流來曲曲穿林麓  
盡去潺潺作絳洪銀漢曉星初錯落玉壺冰水灑玲瓏  
西來一派通江海千古朝宗只向東

前題

和韻

邑侯屠直

何處積淵一旦通連天映日湧崇峰氣蒸山麓聲如簫  
波撼城頭起絳洪蜿蜒溪光花縣繞潺湲錦浪玉山巒  
應知滄海川流意萬古滔滔祇向東

前題

邑侯 梁 迪

重重盤秀出泉蒙噴薄分飛八面風氣迸雲根千嶂坼  
數符卦畫一源通較於藍水流多派涯依絳河勢更雄  
莫道出山容易濁出山還與在山同

疑山卧龍

邑侯 來 臨

十里荒岡讀斷碑勢形起伏亦何疑壑邱入古山靈窟  
廟貌增新魏帝祠城郭衍蕃喧夜月風雷恍惚度旌旗  
三郎已事休談論龍卧南陽此地離

前題 和韻

邑侯 屠 直

隆聳孤標野外碑伏龍山勢亦何疑蒼天有意興唐室



中書集卷八  
大地呈祥建魏祠雲映嵐光朝鳳闕霧連玉樹架金旗  
而今憑弔三郎事天寶年來禾黍離

嶷山出雲

邑侯  
梁迪

山似龍形魏孝文惡而鑿斷逮唐明皇龍興遂有疑  
山龍臥之詠余更曰嶷山出雲

近郭岡傳似伏龍常留五色瑞雲濃衣疑噓處驚初起  
剛訝從時果盡封穿鑿直堪笑魏帝飛騰何用附元宗  
純留亦是唐虞地豈必大明非此鍾

絳河春漲

邑侯  
來臨

絳河源自八泉成漲溢尋常阻滯行帆葉秋波都映野

桃花春水欲浮城長虹應架石梁度飛鷁先添沙楫橫  
何必乘槎向東去九瀛一葦往來輕

前題 和韻

邑侯屠直

絳水西來遶玉瓶八泉湧出向東行綠楊堤畔煙籠月  
紅杏橋邊波撼城縹緲芳洲迤淑景紆迴禹甸耀霞橫  
魚龍此日修鱗角一遇春雷雲霧輕

前題

邑侯梁迪

河環城北復朝東待得春來勢更雄三汲浪纔融積雪  
兩岸冰已解和風趁將柳葉還同綠點落桃花便染紅  
豈必乘槎須八月尋源到處路能通

龍潭夜月

邑人 路王道

絳北高原古廟雄  
深潭澄澈月明中  
地連天黨行山近  
源與崑崙翠水通  
坐望神龍時隱見  
行瞻煙靄滿蒼穹  
早施甘澍從民欲  
潤物應參造化功

前題

和韻

邑侯

曙

直

河朔岡陵氣概雄  
碧雲明月一潭中  
光搖水底蟾踪動  
影落波心丹桂通  
自是高原呈地瑞  
何須秋夜問蒼穹  
神龍變化應難量  
時雨晴陽贊帝功

前題

新會

梁在暉

輪冰影徹  
水深潭水含天色  
耀金共道曉  
珠在寶

那知顧兔月當心  
清明會合何能掩  
上下光輝各不侵  
噓氣定成雲五彩  
還期四野徧甘霖

開壁晴嵐

邑侯  
來臨

星散河橫天廂開  
山嵐出沒且登臺  
任看雲林生幽壑  
應喜碁筇破積苔  
遠岫近皋清似沐  
披雲睹日莽相猜  
年年寶玉發光怪  
原有鍾靈未易才

前題

和韻

邑侯  
屠直

偃蓋孤標瑞靄開  
光風霽月映層臺  
雲收巖谷添霞錦  
霧斂晴空現碧苔  
川澤效靈應有意  
山嵐呈秀莫相猜  
地靈自古人多傑  
試看登高作賦才

前題

新會 許節

峪幽常帶積陰濃  
霽景成嵐看更重  
明是一團深彩翠  
煖蒸四面立芙蓉  
佳當日夕牽遙矚  
爽憶朝來蕩鄙胸  
可有子真從此隱  
耕耕吾欲息遊蹤

寶峰碑影

邑侯 來臨

寺踞岡巒草鞞茵  
殘碑鏡影近重新  
獅龍化去原留像  
鷲嶺飛來無此神  
靈昭傳燈宵似畫  
雲光說法石如人  
色空肝膽都歸盡  
憂國憂民鬢若銀

前題

和韻 邑侯 屠直

寺建平原草色茵  
梵光雖古碑常新  
精照兩間呈色相

壁空五蘊傳機神  
天工施巧無遺物  
地氣發祥有傑人  
但願此碑恆作鑑  
光連雲漢渾如銀

寶峰石鏡

邑侯 梁 迪

寶峰寺碑其光可鑑  
古有碑影之題余爲  
更曰石鏡古寺荒餘  
有剩碑真成石鏡少  
磷緇光明豈必吳江  
鑄鑿徹疑從蜀國移  
粉黛爭來矜豔麗  
丈夫猶得見鬚眉  
若令忠佞呈肝膽  
詎異秦臺朗照時

玉溪晚翠

臨潼 馮朝用

清梵籠煙景最明  
古崇天竺古先生  
覆來滿院松陰密  
舞處當空鶴影輕  
淡淡閒鷗時有顧  
霏霏宿雨晚來晴

斜陽挂到西山上翠擁玉溪兩岸橫

前題

和韻

邑侯

屠直

綠映沙堤野水明蒼巖層壁瑞霞生雲連隴陌祥光靄  
霧鎖樓臺煙翠輕松影半窗歸鶴靜雨聲初歇夕陽晴  
漫言景入西山裏桃浪潺湲玉岸橫

前題

邑侯

梁迪

玉溪禪院隱孤峰蒼翠偏憐匝地松高拂層崖青靄合  
遠連流水綠煙濃每當日夕偏增色不爲歲寒便改容  
頗似家園著書處暮樓環映萬千重

留城早春

邑侯

梁迪

上黨天高四望遙留城佳氣動春朝綠環絳水風初暖  
青露行山雪漸消芳樹色將舒嫩葉晴原意欲茁新苗  
構龍井內應開蟄會見神魚跋浪驕

春日郊行口占呈署中親友

東風寒食節初過峻水峻山氣漸和種樹尙嫌官柳少  
行春偏喜縣花多羣公興爲青楊發老子情如白髮何  
正好天涯同讌會未須回首望煙蘿

客屯留和梁夫子春日郊行

新會何 灝

到此淹留歲月過春深上黨稍清和吾師優學居官好  
民事關心出郭多見景留題興若彼含英吐雅韻如何



從遊廿載愧皋藉捧詠當時悵群蘿

和梁明府郊行口占見示之作

新會

許節

豔陽時節看全過始覺東風拂面和公事正當春省取  
逸情偏比野人多  
秫栽彭澤還師亮梅詠揚州直駕何  
到處不忘詩與酒宦遊豈必異扁蘿

春日遊湖

邑人

李尙智

鳳歷頒回日漸長錦花無地不飛香天亭寂寂人聲靜  
春景溶溶瑞氣翔湖下荇深迷鷺鷥千頭沙暖睡鴛鴦  
六朝歌舞今何在惟有斜陽照古場

余吾驛壁

明

晉王

承恩重上帝王州極目郵亭豁遠眸四顧好山如擁戟  
一天清露襲征裘風吹玉樹蒼龍活日照金尊紫氣浮  
回首正堪歸宿處禁城遙在五雲頭

和前韻

少保前山  
西苑撫于謙

行過虜亭望潞州四圍山色遠凝眸風塵滾滾迷官路  
煙霧茫茫罩客裘龍躡天池雲氣合雞鳴野店曙光浮  
停車暫宿余吾驛一夜無眠不到頭

和前韻

邑侯梁迪

驛接虜亭控澤州閒尋舊迹豁雙眸藩王入覲停旌旆  
司馬籌邊曳帶裘看去姓名同日朗由來世界等雲浮

遺篇尚在人何往流水空鳴古渡頭

又

繁盛當年推此州名王使相盡迴眸高原日照晨驅馬  
旅店寒吟夜擁裘曹植賦成波影動劉琨嘯罷塞煙浮  
館垣壞極休題句珠玉流光在上頭

和題韻

新會

許節

山驛高盤古冀州昔人過輒注吟眸雨三行並留題詠  
幾百回經換葛裘漢代宗藩輸博雅南朝開府笑輕浮  
腐儒萬里尋遺迹徧拂塵埃斷壁頭

立秋日屯留道中

巡察使前  
督學使

勵宗萬

迤邐平疇一徑通，驅將溽暑仗金風。  
人行翠陌青畦裏，秋在綿雲絮雨中。  
礎杵隔村風送籟，旌旗臨渡水搖紅。  
兩年三過銅鞮路，吟到丹楓興未窮。

觀湖有感

邑人

李之茂

西湖繚繞帝王州，水遠山高事事幽。  
積翠萬重當面出，凝光十里抱城流。  
州前景象渾如舊，江左風流早已休。  
世變浮雲何足問，豈容華髮不禁秋。

龍江關有感

邑人

馮斐

龍江關上暫時過，關下舸船滿玉河。  
權稅惟期求附益，賈商何計樂奔波。  
繭絲早已困三吳，保障還須賴五紵。

燕雀似知網羅密高飛遙上鳳凰坡

宿景德寺

邑人 路承賜

野鶴無心宿薜蘿梵宮夜半籟仙歌蓮生淨鉢三乘覺  
水浸空瓶一葉多惱煩未除迷覺路魔妖斷盡是真陀  
此心若作沾泥絮雲在青天任往過

登碧霞宮

人 李鍾奎

青宮高插紫雲飄手把烏藤上碧霄玉錫翻空山鳥舞  
綠茵對酒野花嬌二水入宮環翠幄一天瓊墜映霞影  
桃開皋嶺春風滿喜傍仙島過六橋

遊翠峰龍泉寺

邑人 李楷

不上翠峰二十秋無端卜禊向龍洲雲深古寺山僧寂  
月照空潭野水流黃鳥兩聲傳玉柱青松一點破蒼癩  
堪憐半世迷塵障此日瀟然伴海鷗

和慈光寺碑陰張仲容韻

邑庠 段周田 生

徘徊今昔感何窮又值秋光到遠峰物老豈堪吟蟋蟀  
僧閒猶自值龍鍾白雲靄靄依垂柳野鶴翩翩躑古松  
一別數年更世代乘暇且向寄遊蹤

試士有感

邑人 暴孟奇

陽息陰消春欲來羣英濟濟列行臺柱題已許相如志  
軒過應期李賀才桐植廊廟終作棟魚潛淵沼待轟雷

從今更努雞窗力會看文光徹上臺

詠牡丹

邑人暴所養

滿欄黃紫逞花神杖履偕看國色新  
雨浥檀心凝素質風含桃萼惹香塵  
雲衣堪博揚真盼翠帷應開西施唇  
花王偏愛期頤叟故放嬌容趁賞辰

閏月重九

邑人孫家祥

春戀萸囊猶騰馥今朝拂露又登高  
天邊依舊瞻征雁離畔仍前泛菊醪  
霜徑白衣人再至金飊黃蕊手重操  
醉來笑問龍山客飲興何如昔日豪

秋興

邑人徐道源

翠四榮樹生秋驚醒翩翩化蝶周瞻雁衝風披靜戶  
採萸拂露上高邱白衣曲徑來新釀黃菊疏籬覓舊遊  
倦倚西樓橫短笛幽腔學弄小涼州

遊峻山

邑侯陳純

丹崖翠巘陟千重爲報神功薦肅雝四面嵐光浮綠野  
一天雲氣靄青松憑臨深愧栽花吏語笑遙聞種黍農  
疊見留吁歌歲稔遷期甘雨徧堯封

前題

四明張之銓

矗立神渠氣概雄登臨翹首遠天空四山雲暗千村潤  
一派泉流萬壑通俎豆馨香酬至德雨暘時若藉靈風



憑高喜共恣流覽偕和深慚韻未工

前題

建嶺 周紹濂

鼎峙高峰勢插天神宮直並斗星懸千巖拱翠花含笑  
萬壑爭流樹帶煙甘潤頻施昭赫濯明馨時薦奏豐年  
追陪杖履申虔禱願得花封紀史編

前題

臨滹 梁家祚

廟貌巍巍翠靄浮不知禋祀幾千秋雲生絕巘連盤秀  
水合諸溪入絳流草野徧沾時雨潤花封且聽瑞禾謳  
欣隨檐蓋修民事漫賦新詩紀勝遊

留侯廟

邑侯 梁迪

漫因狙擊譏難忍才氣分明冠古今扶漢每憑交楚力  
亡秦終遂報韓心運籌功與山河並辟穀智從閱歷深  
莫怪登堂久延倚赤松黃石閒幽尋

李衛公祠

奔告江東亦是忠翻從劫運壓羣雄名流競許真王佐  
誼士終成不世功兵法至今宗七子明禪何日啟三巖  
太原咫尺輿龍地怪得君臣廟貌同

謁文中子祠

邑人 徐道源

傳來中說映星文古壁蒼松遶暮雲禮樂三千羅將相  
太平十二老河汾銅川俎豆渾無極隋室衣冠孰與羣

拜罷先師憑望久空教花鳥笑劉蕡

題邑侯孫公清操

邑人 李元品

廉吏可爲不可爲豈因不可素心移卽居政拙存鳩影  
奚忍民凋再繭絲絳澤盟心如是水寶峰有口卽爲碑  
卻憂劉寵投錢去安得冰操也若斯

題孝子李清

懶雲

孝行由來可動天齊民喜見李清賢爲親廬墓誠宜也  
致免嘉祥豈偶然龍翰雲煙光故宅君恩雨露及重泉  
非徒今日誇鄉里青史流芳百世傳

題孝子張拱端

邑人 王正人

結廬思親報父恩寂寥四野誰爲鄰終朝壘土來天地  
半夜哀聲泣鬼神淚盡血流干狀苦形消骨立一心真  
平生孝德誠無愧他日編修快史臣

題澹庵孫公孝行

邑侯 林慶旺

聞陳澤州相公路經屯留以父命謁公欲保舉再仕  
公以養親固辭余蒞屯時公讀禮方終見其哀毀骨  
立感賦是篇

丞相相攜上帝都依依豈奈懶登途高堂苦作單棲鶴  
子舍甘爲反哺烏嚙臂片時心輒痛居廬三載血全枯  
從來昌後由純孝錫嘏如今事豈殊

題澹庵孫公傳後

邑侯 梁迪

奏對文章字字珠循吏更屬古今無平冤不數張廷尉  
發粟殊勝汲大夫慷慨挂冠難枉道紛紜卧轍易盈途  
應同正學祠邊月千載流光照海隅

其二

禦變才尤匪易能之官剛遇寇憑陵琴堂坐嘯人心定  
羽扇臨戎賊勢崩作室哀鴻歸樂土還家海鶴逐行滕  
叨來作吏名賢地展誦遺文為感興

題李節婦郭氏

僉事 栗應麟

階前芳草綠生煙門掩深閨二十年頽影幾番空閉月

許身一念卽回天青雲桂子成名早白髮萱幃受福延  
已有旌書存國史還應世澤繼家傳

題霍節婦尹氏

徐道源

巾幗名媛志氣雄亭亭立節髮孤桐飲冰養送白頭老  
茹糗課成黃口童孟母芳蹤今尙在陶姑懿躅此堪同  
幽光樂取揮金管壺德流傳萬古風

前題

邑人 尹宗濂

從來坤道最難詮女婦形分理一淵本應函關夢有準  
旋加磨閣手中鞭羞同鼎相仲孫德不愧黃堂介節賢  
孰繼恭人承豆俎功臣萬代勿論年

題烈婦傅氏

按其六事

邑人常行

馬家烈婦真奇哉  
託女深情不可猜  
爐內蕪香灰色性  
堂前埽地淨塵埃  
要知纒器清清滌  
甘擬明珠隱隱埋  
莫詫投環相繼死  
同心帶結解難開

過正學方先生故里謁祠

邑人孫奇

孤臣遺廟重鄉關  
落日寒煙蒼莽間  
草色無情迷野砌  
鵲聲有血怨空山  
忠肝赤膽明當代  
英爽清風識舊顏  
分牧緱城尋往迹  
一杯澗水酌潺湲

謁陳長官祠

吳越時爲甯海令  
錢王按畝加賦長  
官以抗詔殞身

賦得不加甯人祀焉

仰止高蹤武嶺東  
叢祠巍竒白雲中  
千秋生氣依然在  
一段仁風舊日同  
陳父丞嘗常不替  
錢王社稷已歸空  
更讀苦壁遺詩句  
恍忽危梁射彩虹

九日宿桐廬驛次蒙溪韻

極目桐廬入路微  
一園山色映斜暉  
秋催野菊叢叢綻  
風送浮雲片片飛  
磽地孤村民更瘦  
荒山疲驛馬難肥  
倚欄懶酌茱萸酒  
一任輕寒透客衣

過唐武氏父墓見石獸參差蹲列道旁有感而作

邑庠  
生 霍 芝



狐媚偏工竊王威竟忘地望出寒微生前已濫侯王爵  
死後仍干園寢譏禮不耐姑空作計義應從子孰知非  
唐家坏土今奚處石馬猶嘶豐草肥

秋夜思親

有序

邑人

孫肯穫

前修邑乘先子董其事今重修余亦獲踵諸君子後  
翻閱之餘見一帙一字悉先子手澤不勝物存人亡  
之感神思恍惚夜不成寐因賦俚句

西風浙浙透窗櫺中夜起聽心獨驚一葉兩葉梧桐落  
三聲四聲更鼓鳴玉露寒欺寢衣薄冰壺冷浸秋月清  
我爲思親苦無寐孤吟坐待東方明

三峻煙雨

邑侯趙廷煦

羅列諸峰峙遠空  
霏微煙雨仰三峻  
層臺似聳前朝鉞  
仙掌疑擎昔日弓  
回首關門隱見裏  
凝眸驛樹有無中  
夜深來往神靈蹟  
脈脈流泉一派通

八泉飛瀑

八竅泉源洞壑通  
橫鋪匹練倚孤峰  
流從乳竇魚鱗盛  
落向盤渦雪浪洪  
跳沫驚飛晴漱灑  
檀欒遠映碧玲瓏  
和雲瀉月清無極  
琴韻泠泠石礪東

疑山卧龍

土花歲歲蝕殘碑  
龍卧疑來半信疑  
寂寞山阿還甲帳

可晉書卷八  
卷八  
三  
熒煌燈火是春祠空庭有影松留鷓落日無人風滿旗  
唐魏興亡一徑裏翠微雙闕草離離

絳河春漲

驚看水到喜渠成衆壑爭趨絳水行兩岸沙平連野渚  
片帆影動繞孤城霞烘浪底紅泉湧月滿灣頭紫氣橫  
更有小蘿庵可憇坐來風靜釣絲輕

龍潭夜月

蟾光疑碧玉潭深波湧龍鱗欲散金躍處寒芒淩水面  
飛時清鏡到天心秋來不夜淵還冷睡去無憂珠見候  
休把方諸頻拂拭絳刻應候足甘霖

開壁晴嵐

陡然山壁裂冰開，峪口晴嵐傍古臺。  
不是雲鬟沾霧露，尚餘雨氣潤莓苔。  
巖花欲放如將語，林鳥無心莫漫猜。  
擘處五丁留勝迹，還驚題石有鴻才。

寶峰碑影

苔封古寺草成茵，碑石穹窿影更新。  
電閃風雲呈變態，泡涵花木寫精神。  
心燈夜炳三千界，寶氣空騰丈六身。  
何物晶瑩差足擬，光交雪月水飛銀。

玉溪晚翠

祇樹林中落照明，玉溪處處翠煙生。  
塔依綠水千尋迥

山襯紅霞一抹輕  
草色侵龕還帶雨  
蘿陰挂月正初晴  
蒼松深鎖清虛院  
白鶴孤窻影欲橫

寶塔凌雲 峻山八景 姑孰魯芳

天半浮圖上入雲  
倚誰斲石蓮  
風斤勢排闥  
闔孤標建  
影動星辰一氣分  
色演明珠湖  
洗露虛檐鐵馬夜呼羣  
捫蘿那得千尋立  
怖鶴聲聲下界聞

松林舞鶴

萬松遮徑自成林  
刷羽欣逢鶴在陰  
漠漠蒼煙丹頂暈  
僊僊縞袂翠靄侵  
餐殘雲液筋長瘦  
夢入瑤臺路許尋  
莫笑 漏躔無定影  
九泉清唳斷塵音

靈泉水鏡

何年鑿石暗通泉一頃澄泓鏡比圓大有樓臺看倒影  
曾無塵垢障諸天巖花爛草香浮甕雪乳水漚靜證禪  
聽講游魚時呷沫不妨煎點近珠淵

石壁晴嵐

絕壁巉巖雨後撐嵐光罨藹送新晴連娟自奪蛾眉秀  
縹緲仍含石髮清坐對蓮灣消永日拈來鹿草話無生  
道人鐵笛吹何處試看青蒼一桁橫

東林曉鐘

名山繭足笑支筇臥聽東林報曉鐘萬里星霜初破夢

南晉書志 卷八  
幾人蕉鹿更尋蹤  
儘容虛室傳清漏  
卻伴閒雲住碧峰  
底事輪蹄聲絡繹  
板橋行色五更濃

西崖晚照

灣環黛色極天齊  
點點炊煙日腳西  
法海一輪隨意轉  
金波百尺湧雲低  
收來暮景林亭靜  
散盡游人野鳥啼  
安得松龕常借住  
大瓢煮月坐山溪

山樓煙雨

茫茫何處海天秋  
每對青山懶下樓  
萬壑迷離生幻影  
一身汗漫入虛舟  
披雲鶴鬣濃疑滴  
削地金蓉豔欲流  
滿鳴香風吹不散  
空濛煙雨是瀛洲

古院槐陰

玉宇琳宮蔭古槐  
鞭笞鸞鳳此追陪  
青陰絡石風難掃  
翠幄橫天暑欲回  
盡日婆娑生意滿  
有時爛漫晚花開  
數聲清磬林間出  
憶甚南柯作郡才

寶塔凌雲

邑侯鄭謙

百尺浮圖望瑞氛  
半空鐘磬上方聞  
伐嶮已沒湯盤字  
射日猶存后羿文  
頂上光圓參碧落  
腳根踏破是青雲  
三峰勢聳摩天柱  
疑是蓬萊一股分

松林舞鶴

萬籟聲消月在林  
鶴翎松影自陰陰  
秦封不羨蒼龍古



南音賦志 卷之  
三  
坡老曾聞赤壁音樓上聽濤何處是山中有客許誰尋  
昂頭屈膝公卿事十八年來幻夢侵

靈泉水鏡

樓臺得水月光圓鑿破靈源勝八泉何事絳藍分上下  
好從清濁辨人天雲鬢活現波中影花雨能空鏡裏塵  
南海白曾杯渡後西方無處不生蓮

石壁晴嵐

圖繪煙霞上錦屏嵐光石色曉天晴蒼煙綠樹浮空翠  
紅雨青苔洗更明皓月一簾籠鶴影夕陽半壁聽鴉聲  
淡妝濃抹朝臨鏡點綴蛾眉畫不成

東林曉鐘

墨客山人睡正濃何來平旦一聲鐘  
喚醒宿鳥煙籠樹敲碎殘星月落峰  
蝶夢漆園驚逐鹿雞鳴函谷度猶龍  
板橋霜老輪躑倦悔向風塵話舊蹤

西崖晚照

小樓東畔石巖西暮色山光望欲迷  
紅葉薜蘿煙靄靄斜陽芳草色萋萋  
吹殘牧笛衆山響散去遊人羣鳥嘯  
卻羨僧歸閒待月松林猿鶴共幽栖

山樓煙雨

欲雨風雲起滿樓峻山覽勝許全收  
迷離境似三神幻

頃刻涼生六月秋，有限煙波高著眼。無邊人海尚乘舟，  
嘉名恰擬珠江勝。靜對真疑汗漫遊。

古院槐陰

不辨秦槐與漢槐，千章古木傍樓臺。最宜夏午能消暑，  
莫到秋黃作軼材。落葉任教風掃去，談經指點月將來。  
塵中敢說前身事，一度名山幾溯洄。

贈孟端馮君重遊泮水

邑侯李萼

才名今見大馮君，兩次鬢宮賦采芹。再戰誰能輕白髮，  
重遊志不墜青雲。驥騰樞下思千里，鶴立雞中氣軼羣。  
垂老英雄還出塞，當年大樹

丁丑暮春觀農

邑侯

何現龍

峻水峻山叔景齊觀農爲過小橋西雲陰草色迷行徑  
麥秀花香趁馬蹏耕亂野田煙十里種殘春黍雨千畦  
殷殷數問農家事嫩綠枝頭日影低

丁未重陽偕幕友遊天馬山

邑人

暴煊

嵐光盪翠送晴暉梵境悠然遯欲肥底事今朝騎馬背  
何如當日臥牛衣筵間嘉客惺惺語松外鳴禽款款飛  
離菊晉香闌合醉一番秋色帶雲歸

晦夜獨坐

星輝月暗靜中天喜怒當觀未發前太極依然含有密

元功尚自息機緣  
花容雖斂芳香蘊  
露氣初侵俗念捐  
頃刻之間分舜蹠  
曙光東上見媿妍

巡海回

門名白馬水漩環  
畫角聲傳出海關  
頭上有天能鑒隱  
眼前無地可容姦  
吏行煙樹雲山外  
人在銀濤雪浪間  
鄉勇邇來真箇勇  
風飄旗影撫刀鐮

三江舟次

同官共說太平年  
豈信妖氛別結緣  
水氣漫漫成宿霧  
山嵐故故釀秋煙  
穿林羽尾雷盈野  
飛艇潮頭月在天  
曉諭吾民休悚慄  
軍行原不碍耕田

清豐道中

邑人 楊中桂

又逐征塵發曉天  
西風吹老祖生鞭  
三秋景色涼如水  
兩月離情長似年  
疏樹雲寒鴉影瘦  
斷橋霜冷馬蹏圓  
車聲轆轤歸何處  
惆悵荒村古驛邊

威遠樓懷古

邑人 李林達

月滿孤城風滿樓  
倚欄憑弔素心幽  
民安物阜今長治  
水繞山環古潞州  
夾寨壯猷空有迹  
嬰兒故國倩誰收  
皇圖鞏固真威遠  
一統寰區幾萬秋

癸亥七月留別諸生

邑人 王毓秀

昔年種樹朝川陽  
桃李紛紛各吐芳  
應是二霜欄愛

可會果志 卷八  
翻教三徑不勝荒身雖有託同蝸寄人孰無家等雁翔  
出處兩途籌最熟休憑用舍決行藏

五言絕

王昭君

宋 鮑照

既事轉蓬遠心隨雁路絕霜鞞旦夕驚邊笳中夜咽

七言絕

鮑宣妻

唐 周曇

君惡奢華意不歡一言從儉亦何難但能和樂同琴瑟  
未必恩情在綺紈

元宵

邑人 李汝明

滿城燈火照樓臺萬朵金蓮次第開得意春來無限樂  
銅壺滴漏莫相催

新月

雨霽風清夜色浮半彎新月出樓頭佳人啟戶凝眸望  
疑是天邊挂玉鈎

春雪

邑人 霍應鵬

雪覆峻山二月時袁生僵臥睡遲遲黃金滿地無人識  
只有農家喜自知

屯留道中雪

明學 陳 棐

天津銀漢通牛宿崧嶺瑤輶下鶴台會上玉樓看瘳合



不知誰是長翁才

又

寒光滿路挹清輝  
轉見霏微點客衣  
蒿雀近人啄雪立  
忽聽囑道卻驚飛

靜居

邑人李瑤

徑草無人隨意碧  
空亭孤竹對雙禽  
高山千古知心少  
一片幽懷寫素琴

題李節婦郭氏

參政任寔

孀居寂寞已多年  
玉潔冰清出自然  
此事難將塵土暗  
裝黃進入九重天

詠馬蘭花

生 邑 霍 芝

輕盈翠黛鬪新妝何事偏生古道旁爲愛品類增倍價  
故呈春色向詩囊

其二

馬性驍騰蘭氣幽兩名巧配有來由香蹏飛去遺芳種  
散作康莊杜若洲

暮春

巡察 陳廷謨

盡桃花柳絮飛馬蹏輕逐惹春衣東風卻恨難相信  
忙裏拋人獨早歸

其二

半世空拋隨逝水雙親幸在不辭官春歸誰鎖還家脛  
枉自題詩行路難

城西

嬌梨豔李練春暉乍出城西望欲迷萬里無雲風又頓  
如何白雪亂飛飛

和王見山煙雨亭題壁

延仰南

都說樊南詩社人數行墨迹已蒙塵碧紗紅袖知誰似  
且把題辭作比鄰

其二

爲問王生知不知此間詩後又題詩  
我亦留名字

一樣模糊任去時

和延孝廉煙雨亭題壁

邑人

楊育山

佳構如斯洵足珍  
休將珠玉抵風塵  
廬山面目繪金石

方許常親著作人

鹽川月下梅花

孫廷佐

蟾光皎皎絕纖塵  
掩映疏籬一色真  
幾度瑤臺閒望處

方知明月是前身

整水出黨雜詩

軒午福

西河行父猶拘館  
楚使宛春亦待囚  
何事晉人工執使

後來孫蒯又純留

雜體

西河題邑侯孫公讀詞

邑生

霍維岱

壁水浩壁水浩壁水之濱有綠藻成人賦有德小子歌

有造雲漢章天也作人祝壽考

上元

邑人

李思謙

藍川令夕千年勝萬井融融樂如何驚傳天上吹仙樂

喜見人間畫九河玉露花翻藜下影冰盤光映海中波

燈月交輝秀嶂迴上下情同萬物和於合不聞廣陵奏

觀風且采太平歌雨亭

邑人

懋育山

一詩對

補遺

葺修奎光閣碑記

邑侯

何現龍

竊惟文曜高垂會見五星盈縮斗垣光射奄觀七曲杓  
魁三能的的映文河九庫昭昭歸宿海於今爲烈自古  
常明屯邑雉堞東南百武許舊有奎光閣創建有年合  
邑文風所係葺修屢厯一方科第攸關余承乏此區常  
致意於墨莊書簾拜登斯閣深敬仰夫神采星光乃風  
剝雨殘幾見垣頽而瓦解而贊工宏化未聞放篋而輸  
囊爰有本邑豐儀鎮薦紳馮君諱盛世者重文興學樂  
善好施承孝友之遺門開閣衍詩書之緒世篤劬勤

載肅神威羞見穴穿石鼠興言聖閣恥聞室剝封姨因  
振敝而起衰爰作宮而揆日力扶虬棟不辭督匠之勞  
願架虹梁憚任鳩工之費鉤心鬪角原獨竭夫經營鳥  
革暈飛豈旁借夫檀越既謀終而謀始甯任德而在功  
耗費匪微工程甚鉅光騰碧落星星徧二十八垣端起  
紅牋在在當五百餘會從此輝煌神闕永臨上而質旁  
炳煥星階常潛扶而默佑芳流燒尾自能甲乙蟬聯名  
振彈冠其見人文鵲起皆一人振興之力實百世休明  
之基也是爲記

乾隆二十七年五月



重修石圪脊聖母廟碑記

補遺

邑侯

鄭謙

純邑城外西北里許地名石圪脊帶礪山河爲一城之保障近河石排砥柱城北說者謂當日魯班仙師修橋於此石之盤踞乃其遺蹟至今橋雖無有而石脊形迹猶存氣象磅礴有箕龍跨海之勢使果當日成橋今柱梁可無勞矣志書有絳水春漲爲八景之一卽此地也地高阜有亭下有九天聖母廟神生何時廟創何人皆不可攷嘉慶間有邑侯唐公者因病而禱之神未幾果愈其外或則因嗣而祈因病而祈要無不應之如響但歷年久遠殿宇傾頽社首等爇謀之衆捐貲重修鳩工



勸材正殿三間石塔一座東西僧房各三間以及山門  
樂樓皆依次完葺而煥然一新矣工興於道光庚子春  
至秋初而遽然告竣時余適從攝篆遼州回見其規模  
整飭廟貌肅然咸以爲聖母之靈所感召也古之神靈  
其誕降之奇與生自何代譜系何氏每多不可攷然而  
有功德於民則祀之况其體坤元之厚德布資生之至  
仁庇福無疆殆不啻與天之九野地之九州分域而覆  
載焉是以錫福降祥祈無不應潛孚默佑感而遂通不  
獨一時一邑之禮祀也邑人請書事於石於是如其所  
請以昭示於來茲道光二十年立石

雜記

志以傳信附會怪異之說非所以昭示後來也然羊  
鳴龍化豕見石言前史已載况天地間理之所無未  
必非事之所有茲卽瑣談異蹟實有信而可徵者姑  
統以雜記以俟後人之去取焉

堯時十日並出焦禾民無所得食乃命羿射之九鳥墜  
其羽翼皆死或云堯使羿射九鳥於三嶼之山三嶼  
在縣西北上有后羿廟春秋祀之

按天祿識餘古傳言羿射日落九鳥鳥最難射一日  
落九鳥言射之捷也後世不得其說者遂以爲射九

日矣流俗謬說而傳怪文士循名而騁奇異哉

狐爺墓在城南二十里東莊村北俗謂狐神所棲每年五月五日四方男女雲集虔誠致祭多難紀數不經甚矣然相沿已久鄙俗不能革

按春秋文公六年晉大夫狐射姑刺殺大夫陽處父得罪奔狄邑卽赤狄之屬迨趙盾執政使人送其妻子於狄

狐死遂葬於此想其時晉爲大國狐爲勳舊生死以狐爺稱之理無足怪乃以狐爺而訛爲狐神以名射

姑射音亦

而並訛有姨姨姑姑之稱怪誕無稽何以附

會至此且祀典云有功德於民則祀之此墓功德何

存而血食數千年至今不絕是尤理之不可解者姑  
記之以備參考

猗頓東魯之窮士也耕則常飢桑則常寒聞陶朱公富  
往而問術焉陶朱公曰子欲速富當畜五牴牛乃適  
止黨之西河大畜牛羊於猗氏之南越十年其息不  
可勝計貲擬王侯馳名天下邑西南境卽猗氏故地  
漢鮑永父宣少時舉上計於道遇一書生乘驄暴得心  
痛宣下車爲按摩淹忽而絕不及通名氏有素書一  
卷銀十駢宣以一駢資殮殯餘籍枕下納素書懷中  
瘞之旅次抵京師宿一闕內侯家驄馬隨之侯問馬

所從來宣以實告侯驚泣曰此吾子也使迎喪啟視  
書銀宛如所言侯感謝嗚咽因薦之朝辟公府至司  
隸永與子昱俱爲司隸皆乘驄永亦封關中侯京師  
歌曰鮑氏驄三入司隸再入公馬雖瘦行步工

鮑昱爲南海太守郡境大旱門下椽周獲善占天文昱  
自往問何以致雨獲曰急罷三軍督郵明府當自北  
出到四十里雨可致也昱從之果得大雨

鮑南海靚與吳興徐長夙有神明之交欲授以秘術先  
謂徐宜有約誓徐誓以不仕於是受籙常見入大神  
在側能知來見往才識曰異縣鄉翁然有美談欲用

爲縣王簿徐心悅之八神一朝不見七神餘一神偕  
傲不如常徐問其故答云君違誓不復相爲使身一  
人留衛籙耳徐乃還籙遂退

宋鮑照嘗謁臨川王義慶有人止之照曰千載上有英  
才異士沈沒不聞者安可數哉大丈夫豈可遂韜知  
能使蕭艾不辨終日碌碌與燕雀相隨乎於是奏詩  
義慶大奇之

古布流傳者有屯留布文二左屯右留其異文有屯留  
屯留屯留各種又一種空首布俗名鐘布大於邑布  
數倍止一留字譜亦以爲屯留布也大概皆春秋晉

戰國趙所鑄

唐伯當廟在縣西南二十五里王墓嶺

一名興雲山

唐時建

歲以二月二日村人致祭至今不衰

按唐書李密降唐復判與王伯當行至山積總管盛

彥師擊斬之俗所謂箭射王伯當血染李密也民哀

王忠義為起冢數丈上建伯當廟每年祭享至今土

人耕田往往得箭鏃焉

吾元村西北山麓有古陵一陵上古松一株挺秀異常

土人咸謂吳王墓附近有脫甲池廢焉墳跑馬嶺桑

坪諸古蹟尚存

元潞州守周幹臣有德政一夕宿屯留短檠膏盡然以  
綿炬達旦不滅至潞止天慶觀燈復如前道者三吹  
光焰愈盛延及辰已時又與修撰傅巖輔飲出樽酒  
酌七十觥不竭遲明以水注之容不及半二事人皆  
異之王嵩作酒聖神燈記今石刻存三忠祠壁間

明路太常王道總角時大同一老儒年可六十許來訪  
及見路公乃數歲小書生也不覺泣下蒙師詢其故  
備曰潦倒場屋者三十餘年矣屢薦不售今科又落  
孫山外尋自縊昏迷間似有人云屯留路王道爾榜  
解元也胡不少待繩斷而蘇故不憚修阻而來適見



令徒青年愚已白首難卜出頭之期安得不三歎流涕耶先生再三安慰而止宿焉道父亦來款待備至則以資斧不受而去道年十九舉嘉靖丙午解元大同老儒中式三十名赴宴相會喜出望外如同隔世一榜知者無不驚訝通省傳爲佳話云

路王道間居讀書偶聞鼓樂聲出視乃親迎者自西而東彩輿旁一赤衣女鬼偕行見道有退藏之態道從之至藕澤村墻門外鬼猶不去二老嫗扶新人出道恐作祟怒之以目鬼始鼠竄而去道俟新人入帳覓故人家少憇喚星士問曰今娶妹時日佳否答曰今

乃紅沙日而主日卻是婁金狗紅沙見金狗貴人星  
自遠避矣道竊意已或婁金狗星也後登進士官至  
太常寺正卿史云郎官上應列宿信不謬耳

石佛頭村東山崖昔年崩陷崖前現有石佛眉目如畫  
明嘉靖二十三年傍崖建廟奉祀石佛至今香火不  
絕廟前低處即崩陷之地

霍龍洲騰任廣甯左衛倅撫恤兵民口碑載道子三應  
麟應鵬應鵬萬曆壬午元旦方睡見使君地聯貼門  
麟躍三尺浪鵬飛萬里程寤時句猶在口及秋麟哀  
然賢書望重專城鵬列乙榜首薦鐸龍門

五  
雜記

諸生應相升宿儒也設帳於本城李氏別墅李前明觀  
察之齋園亭宏敞花榭有大樓時時有異龐素以膽  
畧自負李前延之樓下設榻課生徒焉龐一夕聞樓  
上有聲如牛喘狀下至三階又似坐息氣力不勝之  
態連喘不止約半時許又下至地天昏不甚了了而  
聲息覺高與樓等坐於榻邊呼龐曰老獻世寶龐不  
答假寐以觀其變雞聲一唱仍上樓去次日登樓視  
之惟有塵土滿地而已自此每夕必至嚙嚙不休龐  
暗以瓦器覆燈俟其來啓視之滿身甲冑頭帶金盔  
宛如寺中金剛神踞上樓而沒終不肯解爲何怪默

思見燈即避火或可伏遂將猶藥密布牀下薰香以  
待是夕果如所謀火光一撲始則嗚嗚焉少則醜醜  
焉久則無聲而滿身俱焚矣挑燈審視乃葦縛個人  
而作祟也盛甲殘紙猶未燃完次日喚東翁觀之相  
與大笑而怪自此不作矣

乾隆己丑城東郭外塢一墓隧道深窳似古王侯之塚  
縣令趙廷煦命工封閉兼爲修築其上旋於是夜夢  
一童子具刺延請至一地宮殿輝煌顏其額曰恭王  
府重門內茂林曲水環繞左右趙隨之入見其王白  
髮朱履向趙殷勤道意敘談良久趙多不甚記憶大

抵皆致謝語也俄而驚覺按恭王姓氏於古莫考  
夢寐之間亦未可盡據要以封閉古墓實盛德事也  
且感應篇綱目類此者甚多故記之以示勸云恭王  
三停松在城東南宋村南溪觀內相傳植於秦漢之時  
高約七丈圍約二丈上下一律故名三停其植近井  
根蟠水底鬱鬱作虬龍狀每至隆冬他松皆蒼而此  
樹獨青翠異常云

飛來廟在城東南二十五里酪酪村南崗內奉三巖爲  
居民祈報之所詳讀碑碣此廟舊在下李高正北建  
於元大德間下李高向爲社首至明成化年忽一夜

附近養畜之家皆夢人來借畜比醒畜俱汗下似新  
脫重載者衆愕然不知所爲後一二日始知廟自遷  
矣嗣後李高每往祭必被電故今之致祭者惟醅醅  
駝坊高頭寺康莊市澤諸村而李高不與焉又邑西  
鄉永豐山之牛王廟陽寨村之玉皇廟相傳皆係自  
來特以事非經見故不具載

恩泉在縣北二十里浮山之陰順治六年姜逆之變東  
北鄉民潛避浮山崖洞其溝有小池方圓僅數尺供  
三百餘口汲飲不缺及事平其池遂涸鄉民備牲醴  
酬願都貢士宋嗣殷題恩泉賦於大禹廟壁

榆樹坡靳家莊在城西四十里許莊前有壕壕東傍崖  
舊有石堆高丈餘週四十步同治六年六月二十日  
大雨午後漸小大霧溟濛至晚未霽及夜半忽聞山  
崩之聲轟震數里壕東石堆陷爲深坑壕西突起一  
峯石覆其上高二丈有奇峯頂平坦約畝許人咸異  
之

糾誤

且書契之作理求其是謬誤者勿錄也屯邑舊乘體  
例頗亦具備第其中接引失據與夫傳寫互異龔沿  
舛錯之類不無可指茲爲稽之書傳參以金石務俾  
謬訛之見同歸一是至於依例條辨已詳各類者不  
重錄云

屯留一名余吾一名純留一名戍屯一名留呀此胥見  
於史傳可考至前漢上黨郡隋氏後漢曰猗氏後魏  
改稱寄氏註云有猗氏城建義元年又分屯留置建  
義學有鹿臺山及祠又普泰中分長子屯留置樂陽



中晉縣志 卷八  
縣有望天嶺絳水所出有堯祠此舊志所以謂屯留  
有寄氏之半也故城在長子東北爲韓趙要地樂陽  
縣今隸長子爲樂陽村又考開皇九年置寄氏縣十  
八年改爲長子則長子亦兼有漢猗氏地云

天文志詳辨分野並繪星象案分野之說雖古已非爲  
一邑言至列宿圖象畫疆豈能盡符刻舟膠柱難與  
言占步之微

沿革志堯都蒲坂潞爲甸服屯留潞之隸也邑建故城  
在冀州域舜攝位分州入於并禹復合入於冀殷人  
建國潞朔爲黎屯留亦黎屬也周末黎侯失國屯遂

沒春秋宣公十八年晉復其地曰留吁案屯留春秋以前不見紀載此臆度爲說而所引故實無不繼繆如堯都平陽而以爲蒲坂舜與十二州禹貢止九州

馬氏融謂舜以冀州之北廣大分置并州乃今忻代以北地據周禮職方之文而知之上黨在虞夏自屬冀州其爲并州刺史部在漢時後世疆域說周制猶不可况三代以前平潞本炎帝之裔故封在茶陵殷

周問行於河北見路史留吁乃潞氏屬非黎屬何緣黎

侯失國屯留遂沒且春秋明書晉滅留吁安得云晉復其地曰留吁也

又曰唐武德五年自故城移治霍壁村復曰純留元和  
元年避憲宗諱仍名屯留案邑惟左傳作純留自餘  
國策各書歷代史文無一不作屯留者以爲避唐諱  
無稽第太平寰宇記謂唐武德六年自霍壁移於今  
所則霍壁乃故城與邯縣志及各書皆異未審

又云宋建中靖國元年隸河東路隆德府河東路今平  
陽府明洪武元年隸平陽路九年復屬潞州案宋史  
地理志河東路治太原非平陽明史地理志洪武元  
年置行中書省於太原潞州屬焉九年改行中書省  
爲布政司潞州仍屬爲直隸州屯留始爲潞州屬

縣未嘗隸平陽

職官志知縣劉昌言韓昭案昌言爲縣尉昭知隆德府  
舊志並列非

羣祀志後魏孝文帝廟在疑山巔宋宣和五年賜額英  
濟王案王字衍

慕容將軍廟云山西通志將軍名赤土魏孝文時官執  
金吾云云案今通志以爲隋文時人

案會典分上祀中祀羣祀先農社稷皆上祀也舊志  
壇廟並列而標目爲羣祀非

職官選舉科貢題名乃表體也舊志多贅事實則列傳

矣至於八字評贊尤爲惡習

鮑宣子永孫昱世籍屯留今鮑氏散居各鄉邑而隨晉南遷者因散處於徽甯之界案元和姓纂漢太尉昱子德始居東海永嘉亂過江居丹陽

方伎羣材人物出舊志與寺觀古蹟並列爲備考志殊不倫

藝文志多詠八景已屬數見不鮮至風花雪月尤於邑無關然相沿已久姑仍之

屯留縣志舊跋

古之論修史者有三長曰才曰學曰識余謂修志亦然  
非才則無以廣稽而博採非學則無以考古而鏡今非  
識則無以審是非而斷得失若隨人妍媸漫無定見盡  
信書則不如無書亦何貴於修志也哉屯邑乘纂自明  
嘉靖乙未再修於

國朝康熙癸丑越五十餘年而又有是舉也蓋因纂修  
大清一統志故府州縣俱重修志焉適我邑侯甄公來  
宰屯觀其理煩劇有肆應曲當之才其審情勢有博綜  
倫物之學其遇疑似而不惑處盤錯而不驚有探奇索

隱鉤深致遠之識三長悉備何難以修志爲己任乃以  
簿書鞅掌不暇爲操觚家爰是撮其大要約其指歸命  
邑之紳士共勦厥事余亦謬與其列余自愧才學識遠  
不逮公何敢赴石渠登天祿以貽羞然義不獲辭時則  
有若廣文馬先生介眉孫明經奉之其恕毅夫文蔚諸  
文學彬彬咸在余因從數君子後相與議之擬之以求  
其合參之伍之以盡其變缺者補紊者序疑者刪信者  
錄綱舉目張其山川形勢建置沿革備載於桑楮焉賦  
役土田風俗物產悉徵之松烟焉其孝子節婦之苦心  
烈行忠臣義士之豐功懋績咸著於湘君之竹焉他如

荒碑遺碣殘簡斷編以及稗官野史亦皆緝訪之無使  
玉蘊於荆山劍埋於豐城焉總之矢公矢慎尊師且之  
黜浮鄙馮宿之畏勢自己酉至庚戌兩易裘葛而次第  
告竣矣是役也指歸要畧一體乎邑侯命我之意三長  
雖不逮乎然無交辭無蔓語如昔人之衡文所云肆而  
無稽博而寡當激而失正深而失巧者蓋不敢倣之他  
日者輜軒至止太史採風聊以爲一邑之實錄者在是  
矣

雍正八年歲次庚戌菊月邑恩貢生徐道源謹跋



元



善  
效

第

重脩屯留縣志跋

蓋聞作者之謂述述之謂明  
作固難述亦不易也邑志再纂  
於雍正庚戌距今百五十餘年  
矣其間名人偉績卓絕軼行  
以及風俗之盛衰政治之得失  
文物聲明之消長幾湮弗傳邑

屯留縣志  
卷八  
跋  
三

先達諸君子屬呂興脩之議每  
以已志未逮為憾已卯歲適蒙

憲札纂脩本省通志檄下河孫名

呈續冊備採擇 邑侯劉公玉

亭奉文督辦以於是歲仲秋設

局公舉學師任王緒公及邑紳

十數人共襄斯事余亦備採輯

之役相與歷衷延訪悉心搜討  
越庚辰季秋而稿成尚恐繁簡  
去取容未盡善復郵寄鄉寓  
楊君秋階請筆削焉其門類  
條目悉依舊志雖尚不合限  
於續編而未之能易也方撥棹  
刻間而劉公以勸辦魚鱗未

遑歲事倏忽回稔即陞遷長子  
矣客秋 邑侯理初何父台奉

命來蒞斯邑甫下車視事即以鏤板  
為已任且謂舊本模糊殘缺宜  
重新合刊成編以垂久遠因命  
賈毓峯郭星垣馮六貢龐德  
初諸先生及余怡終其書余自

維端陋何敢膺此重任辭不獲  
已爰詳加校訂重為編輯條例  
一遵通志事蹟半採郡乘自夏  
徂冬次第成帙明非敢矜但犹  
是述之之意云爾工竣後恐年  
遠失稽因記其端委綴於楮末  
俾後之君子淺由來焉時

光緒十一年孟冬之吉

邑拔貢生尹上卿謹跋